

**Juan Bautista Gamiz**

**OLERKIAK**

Fitxategi hau “liburu-e” bildumako alea da,  
liburu elektronikoen irakurgailurako prestatua.

Liburu gehiago eskuratzeko:

<http://armiarma.com/liburu-e>

Iturria: Joan Goikoetxea Maiza, *Euskera*, XIX, 1974,  
203-206.

<http://klasikoak.armiarma.com>

Egileari buruzko informazioa:

<http://zubitegia.armiarma.com/?i=545>

# DABILZENTXOAK

Erderaz eztuzu nai  
ene biotza  
euzkeraz kopla egiten  
eztut nik lotza  
    ikuzko deugu  
    albadaigu egin zerbait  
    nola bear degu.

Gaizki ba doaz ere  
orra euzkeraz  
ifin naiz au egiten  
neure bildurraz  
    egizu farre  
    gaizki mintzazen badut  
    lotzarik bage.

Txoriak arboletan  
dirade pozik  
euren libertadeaz  
kantazeagatik  
alan nai nuke  
egon ni ere baña  
ezta posible.

Ai ene txori ariñak  
egatzen duzu  
jaulako karzelbaga  
fortuna duzu  
nik ezin ala  
zerren loturik nago  
prisione bago.

Lenago ezaun du baño  
uzteduei guziak  
Neronebat zerala  
bai zera eztiak  
dulze ta gozo  
zugatik gauza gustiak  
izten dut oso.

Ene suertea da gogor  
zu gogorrago  
ezpazaizte bigundu  
galdurik nago  
bigundu zaizte  
orrekin gure gauzak  
dirade naste.

Farre egiten baduzu  
dirudi Aingeru  
ta ifin bazadiz seria  
guzia da ilundu  
ene Iguzkia  
odeibaga ikuzko dut  
zure aurpegia.

Zure urrezko uleak  
nauko galdurik  
katena orrekin nauko  
ongi loturik  
ene maitea  
azkatuta emadazu  
libertadea.

Ai ene begi beltzak  
ilik naukazu  
euki egizu piedade  
ta piztu naizu  
    Ai ene mina  
    enezat gauza guziak  
    dirade ozpina.

Zure begietan dago  
ene suertea  
nai baduzu bizia  
edo eriotzea  
    ene laztana  
    zugatik egingo dut  
    nik aldaidana.

Duzu begitxo bazuk  
ta aurpegitxo bat  
a egaz joateko dut  
tentazio bat  
    gaode geldi  
    obeki da ondo egon  
    ta ez gaizki ibili.

Jazmiña eta karmiña  
daode nasturik  
zure matel bietan  
ondo ifinirik  
    gutziz da ederra  
    anparatu nauzute  
    ai ene eperla.

Ezkuak duzu leun  
lepoa txuri  
elurrezko bularra  
zureak dirudi  
    or bildu duzu  
    munduko perfekzioak  
    nola bear duzu.

Bekoki duzu zabal  
eta orzak txuri  
sudurra eder ta xuzen  
ezpañak gorri  
    gutziz kunplitua  
    zure amudioetan nornai  
    gaude galdua.

Gerria duzu mea  
eta oña txiki  
gorputz duzula galant  
nor naik badaki  
    onek il nau ni  
    nai duenak bizi onekin  
ezpedi ifini.

Ain laster zeinda ezaundu  
jotziza biotzen  
iltzeakin zure amudioa  
ta ezta ataratzen  
    dago fixorik  
    beñere eztut aztuko  
ta eztut damurik.

Aski da ezan dudanak  
disparateak  
barkatu bearko duzu  
erorean itzak  
    juizioa galdu dut  
    zuk eraman duztazu  
eta itzul bear dust.



# EUSKARAZ GAIZTOETAN

*Ofrezimendu batzuk, au, eginza, Garezerako.*

Ene biotza nekeaz dago  
ausenzia luze onetan  
ene begiak bustirik  
zugatik negarretan.

Beti gabez, eta egunez  
zaode ene gogoan  
zure seriedadea daukat  
beti begian aurrean.

Begiratu egidazu  
lastima andi bategaz  
bestela zerren ilko naiz  
zugatik neure penaz.

Nai baduzu bizi nadi  
biraldu eidazu karta  
eta an esan egidazu  
berori bizi dala.

Osasunakin bazaude  
ni miñbaga egongo naiz  
zeregatik, zure gauzak  
guziak eneak dira.

Zu gaizki bazaude ni  
preziso gaiztuko naiz  
zerren bien gorputzetan  
bakarrik da arime bat.

Albanei ni or egon  
joateko paseatzera  
atso ura eztegu erango  
bakarrik joan bear gara.

Joango gara nai baduzu  
zubira edo errotara  
edo serorean aldetik  
azpiti errekaldera.

Beste egunen beste aldetik  
zure paseo artara  
ta errekatxoa igaroteko  
emango deust eskua.

Ezpadu nai eskua eman  
iragoko dut besoetan  
eztu zer bildurrik euki  
busti zaiztela errekan.

Albadaigu beste egunen  
joango gara ardanzera  
matsik ezpadagoz ere  
gustoz ibilko gara.

Almorzu ona erango degu  
tortilla on bat urdaiaz  
probetxu andi egingo duzko  
kanpu zabaltasunaz.

Sangregorioko aldapatik  
goazen berriz aurrera  
bidea ezpadaigu galdu  
gero itzulzeko atzera.

Bero egin badai iguzkiak  
juango gara itzalera  
ta deskansatuko degu  
oliboan azpian.

Onela ondo paseatuta  
biurtuko gara etxera  
ta ondo freskatuaz gero  
ifini jukatzera.

Onela iraungo baluke  
auxe da bai bizia  
baña emengo gusto guztiak  
fite akabatzen dira.

Esperanzaz bizi gara  
egoteko zeruetan  
ta an ezta izango ausenziarik  
beti egon alkarregaz.

Aratxe bai joan bear degu  
aratxe ene maitea  
orrekin gure amistade  
sekulako izango da.

Ene groainziak emozute  
ene adiskide guztiai  
beitiko etxeko jenteai ta  
beitiagoko arreba biai.

Onekin adios maitea  
guarda zaitela Jainkoak  
anitz urte osasunakin  
nik bear dudan bezala.

Iruñetik, gaur egunen  
eztakit zer iletan  
orain eta sekulako  
nai dituzun urtean.

Bere eskuak mun egiten dut  
txikiain serbitzalea  
zure errendimenduetan  
afektuozko adiskidea.

# OÑEKOTXOA

*Berze aldeko dabilzentxoak  
kantatzeko tonuarekin.*

Bai; bai,  
ez, ez, ez, ez, ez,  
zugatik ene begiak  
daude negarrez  
    ez, ez,  
bai, bai, bai, bai, bai,  
ni joan nai zureki eta  
zuk eztuzu nai.

# **BESTE BAT, ARENDAKO**

Lakrinkron fararirairena  
lakrinkron fararirairon.

# **BESTE BAT ERE BAI ARENDAKO**

Goazen goazen goitira  
goazen ballera  
goazen errekaletik  
gaur paseatzera.



# BESTE TUNUTXO BERRI BAT

Mutil batek esan dust  
naizla galanta  
badakit ori  
karrikatik noanean  
jantzirik ongi  
agradatzeko  
esan dio Alkateari  
ene biotzeko  
farala ralareki  
esan dio Aitari ta  
dio biurtu bedi  
Amari esan ta dio  
ikuzko dugu  
errespuestea ezta gaizto  
bodak daukagu

uda irago baño len  
bear degu ezkondu.